

中國方志叢書・華北地方・第三〇三號

陝西 省

宜君縣志

(全)

成文出版社有限公司印行

中國方志叢書·華北地方·第三〇三號

據

清·查遴等纂修
清·雍正十年抄本

影印

陝西 省

宜君縣志

(全)

成文出版社有限公司印行

宜君縣志序

廊延一路為陝西北門筦鑰其
最南與京兆界者宜君也洛水
流其隈玉華諸山含秀於內蓋
當用武之國本力穡之訓而自
遠於五陵豪侈之風者乎明季

榆鎮宿駐重兵延民大困廊坊
皆非唐宋之舊何歎於宜迨至
我

朝耆定三秦休養生息幾及百年
而宜之土田生殖且有濟於同
之韓澄宜之人物軒昂且欲駕

於耀之同白宜之備禦足以南
護金鎖西塞石門宜雖叢爾亦
可說興教致治培植者心苦而
從風服訓嚮榮者氣盛矣獨是
紀載散佚誌乘闕如不惟採風
者無所據即守土者亦未由披

繹於是前署令三原丞查侯遴
草創之繼署事令武功令宗人
華嘗襄事省誌館復加脩飾之
斐然成帙申請於通誌館以求
校正青乃勻櫛字沐訖復於吾
宗人曰凡為治者莫不言因地

制宜而地宜之何若究之或得
其大概而未悉其纖微或傳其
疑似而罔考其洞澈以此見之
措施固不能省括命中即留心
治務者欲每事鑒辨亦不勝其
痒此志之輒如縮宜於凡案間


以供一覽而上下古今盛衰興
廢莫不備焉由此而張弛損益
各協其地之宜若鑑呈形若燭
照夜不勞而集有舉必當風氣
駸駸騰躍而上俾觀之者進於
古三輔之列而陋唐宋之廊坊


豈非斯志之作大有造於宜者哉


晉


雍正十年歲次壬子桂月望後
陝西督理糧儲鹽法道僉事加
二級紀錄四次沈青崖書於晉

院之精白堂









宜君縣志

浙右沈寓舟先生鑒定

邑宰查

沈

遼

氏纂輯

華純榮氏訂正

閩邑紳士

全校

沿革

漢為左馮翊祔翔縣地晉苻堅時置宜君郡護軍南北朝後
魏改為宜君縣及置宜君郡隋開皇初郡廢為宜州唐貞
觀十七年州縣俱廢二十年後置縣屬雍州永徽二年縣
廢龍朔二年復置坊州天寶十二年析置昇平縣宋熙寧
五年省昇平縣為鎮金屬廊路坊州元至正四年廢坊州
以縣屬廊州明屬延安府廊州
宜君縣志

國朝因於之雍正四年鄜州改直隸縣屬焉

疆域

縣境南北袤九十里東西廣二百六十里東至洛川界九
十里至洛川縣一百八十里西至慶陽府環縣界一百七
十里至環縣六百一十里南至耀州同官界三十里至同
官縣九十里北至中部界六十里至中部縣七十里東南
至耀州白水界一百里至白水縣一百六十里西南至郿
州三水界一百里至三水縣二百四十里東北至洛川界
一百里西北至慶陽府正寧界一百一十里至正寧縣二
百六十里北至鄜州二百一十里南至西安府省城二百

三十里至

京師二千六百六十里

風俗

山居穴處氣質樸野習尚勤儉而重農婦女間有紡織者
民貧地瘠輸納維艱延宕古誌稱上疲

形勝

城據山巖地當孔要

城池

明景泰中主簿李仲和始築緣石渾難成及成化中縣丞
楊安依龜山之勢築削為上下城週圍五里三分高二丈
五尺

重刊縣志

二